

§. 34. Post *Historiam Romanam* ad intelligendum Ius Civile, sequitur *Ecclēsiastica*, ad intelligendum Ius Canonicum. Quæ est vel *totalis* vel *partialis*. *Totalis* est vel *compendiosa* vel *fusa*. *Fusa* est in *Centuriatoribus Magdeburgensibus*, *Annalibus Baronii*, *Annalibus Bzovii* Baronium continuantibus. Addantur *Torniellus & Sarianus*. *Compendiosa* est *Pappi*, *Iob. Henr. Hottingeri* indigna nuper morte defuncti, *Gothana* nupera, *Iob. à Laet* *Historia Universalis*, cujus dimidiam semper partem rebus Ecclesiasticis magno studio impendit, *Spondani* *Epitome Baroniana*, *Osiandri* *Epitome Centuriatorum Magdeburgensium*.

§. 35. *Historia Ecclesiastica*, *partialis* est rituum, Martyrum, Patrum, Dogmatum, Conciliorum, Hæresium, Regiminis, Pontificum, Ordinum Ecclesiasticorum. De ritibus habemus *Iob. Baptistam Casalium*. Adde imprimis quæ in *Commentario ad dictum Tertullianum* Fiunt,